

Zajednička vozačka dozvola

Danas se Jacques Paul Klein, Prvi zamjenik Visokog predstavnika, sastao sa ministrima unutrašnjih poslova i njihovim zamjenicima iz oba entiteta, kao i iz svih kantona u Federaciji, da bi razgovarao o tehničkim detaljima i detaljima vezanim za implementaciju nove zajedničke vozačke dozvole.

Sastanak je održan u prijateljskoj i konstruktivnoj atmosferi. Ministri su se dogovorili da formiraju tehničku komisiju da bi se u nekoliko narednih sedmica finalizirao sadašnji izgled zajedničke vozačke dozvole. To će omogućiti ministarstvima da počnu sa implementacijom projekta.

Zajednička vozačka dozvola koja je politički neutralan dokument i oslobođen svih političkih konotacija je od osnovne važnosti za osiguranje prava pojedinaca na slobodu kretanja u cijeloj Bosni i Hercegovini – kao što je to bio slučaj sa zajedničkim registarskim tablicama koje su uvedene prošle godine i koje su se pokazale kao veliki uspjeh.

Vozačka dozvola koju je izradio OHR zadovoljava standarde Evropske Unije i Bečke konvencije o cestovnom saobraćaju iz 1968. godine, te ispunjava sve ostale međunarodne norme i zahtjeve. To je veoma moderna, kompjuterski izrađena plastična kartica ružičaste boje koja sadržava sve važne informacije. Njena izrada i uvođenje će se finansirati putem prodaje dozvole javnosti po razumnoj cijeni.

Budući da je OHR najavio projekat u oktobru 1998. godine, sarađivao je na bliskim partnerskim osnovama sa svim ministarstvima unutrašnjih poslova, pružajući im priliku da usklade projekt sa situacijom na terenu i moderniziraju rad policije na svoj način. Nakon današnjeg sastanka, OHR je uvjeren da će se ovaj projekat implementirati na efikasan način i neometano. On će sasvim sigurno biti u funkciji interesa javnosti.